

Arkiv: <arkivID><jplD> FA-C45, TI-&40
JournalpostID:
Sakshandsamar:
Dato: 28.01.2021

Saksframlegg

Saksnr.	Utval	Møtedato
004/21	Alver formannskap	04.02.2021

Pilotprosjekt - Vestlandet sitt flytande litteraturhus

Rådmannen sitt framlegg til vedtak:

Formannskapet stiller seg positive til pilotprosjektet Vestlandet sitt flytande litteraturhus.

Finansiering vert dekket av eksterne prosjektmidler.

Evalueringsrapport vert sendt utval for oppvekst, kunnskap og kultur og formannskapet etter at pilotprosjektet er avslutta.

Alver formannskap 04.02.2021:

Handsaming:

Framlegg frå T.Larsen-H:

1. Formannskapet utset saka og ber om at det legges fram fullstendig pilotprosjekt og finansieringsplan både for pilotprosjektet og korleis ein skal finansiere dette vidare. Relevant dokumentasjon må følgje med saken. Framlegget vart samrøystes vedteke.

FO- 004/21 Vedtak:

1. Formannskapet utset saka og ber om at det legges fram fullstendig pilotprosjekt og finansieringsplan både for pilotprosjektet og korleis ein skal finansiere dette vidare. Relevant dokumentasjon må følgje med saken.

Politisk handsaming

Saka skal avgjerast i formannskapet

Bakgrunn

I følgje biblioteklova si formålsparagraf skal biblioteka bidra til kulturelle opplevingar, samtale og debatt, og tenesta skal vere utadretta. Nye formidlingsstadar utanfor biblioteklokala vert vektlagt i Nasjonalbiblioteket sin bibliotekstrategi: «Biblioteket må tilby sine tjenester utenfor bibliotekrommet.» (Rom for demokrati og danning Nasjonal bibliotekstrategi 2020–2023. Kulturdepartementet, Kunnskapsdepartementet.)

Lindås bibliotek hadde i si tid ansvaret for å drifte den dåverande bokbåten. Personalet registrerte at mange deltok på arrangementa, og at mange av dei som møtte opp på stoppa ikkje var bibliotekbrukarar. Då Epos vart fristilt frå bokbåt-drifta, ønskte Strilabiblioteket å sjå på høva for å prøve ut båten innfor eit formidlings- og litteraturhusperspektiv, i tråd med den nasjonale bibliotekstrategien.

Litteraturhus finst i dag i dei store byane og har som mål å «være arena for litteratur, kunnskap og debatt» med «aktiviteter for alle aldersgrupper» (Litteraturhuset i Oslo).

Pilotprosjektet er forankra innfor bibliotekinstitusjonens verkeområde og formål, med deltaking frå totalt 28

bibliotek på Vestlandet.

Saksopplysninger:

I juni 2020 sendte Strilabiblioteket ut førespurnad til kommunar på Vestlandet om dei var interesserte i å delta i eit eittårig pilotprosjekt. Biblioteka i 27 kommunar ønska å vere med, frå Karmøy i sør til Stad i nord.

Finansierings- og driftsmodellen går ut på at kvar kommune skal drifte besøka til sin kommune, derav opplegg for formidling og avvikling av lokale arrangement.

Betaling for båtlege skal finansierast av eksterne prosjektmidlar. Det er til no komme inn totalt kr 500 000 til prosjektet frå høvesvis Fritt ord, Bibliotekarforbundet, Biblioteksentralen, og Forleggerforeningen. Dette er tilstrekkeleg for å gjennomføre prosjektet, men det er ønskje om vidare midlar til ein viss buffer og trykking og formidling av program.

Pilotprosjektet legg opp til litteraturhusarrangement i dei 28 kommunane over 40 dagar i perioden 27. september til 26. november. Alver vil ha båten i to dagar i slutten av perioden, og biblioteka vil i samarbeid med frivillige lag og organisasjonar og øvrige kulturtenester skape gode arrangement og aktivitetar for barn, ungdom og vaksne.

I pilotprosjektperioden ønskjer dei deltakande biblioteka å prøve ut om denne desentraliserte modellen for eit mobilt sjøgåande litteraturhus har livets rett. Det vert eit år der ein utviklar og utfordrar alle sider ved ein ny og annan drifts- og innhaldsform for litteraturformidling via sjøvegen.

Pilotprosjektet er godt på veg, med omfattande planlegging og koordinering med dei deltakande biblioteka, Epos og ulike prosjektfinansierande aktørar. Det er ein grunnleggande føresetnad er at det vert landa endeleg avtale med Epos innafor tilgjengelege eksterne prosjektmidlar.

Pilotprosjektet vert orientert for utval for oppvekst, kunnskap og kultur den 02.02.2021.

Arbeidsgruppe og etter pilotprosjektperioden

I løpet av pilotprosjektet vil ei arbeidsgruppe arbeide med vidareutvikling av litteraturhusmodellen og eventuelt utarbeide framlegg til andre modellar for vidare drift.

Gruppa vil utgreie mogleighetene for framhald av tiltaket i eit hovudprosjekt gjennom ei evaluering av pilotprosjektet, arbeid med finansiering og organisering av eventuell vidareføring.

Arbeidsgruppa er lagt opp til å bestå av tre representantar frå biblioteka i kommunane, ein representant frå Tekstalliansen, ein representant frå Rom for ord, ein representant frå driftar av båt og to representantar frå Vestland fylkeskommune og Rogaland fylkeskommune.

Det har vore dialog med fylkesbiblioteket i Vestland undervegs i pilotprosjektet, og dei stiller seg positive til å bidra i ei arbeidsgruppe.